



Bou ons kinders vir môre

Sondagskool 1

**Lestitel: Sade en plante**

# 'n Ouerhandleiding

Sondagskooltuisonderrig



# Liewe Ouer

Welkom by die les: “**Sade en plante**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: <a href="https://bit.ly/3NACSSHS">https://bit.ly/3NACSSHS</a>
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none"><li>• Bybel</li><li>• Die les in PDF-formaat wat reeds voorberei is</li><li>• Kind se werkboek, potlode, kryte, ens.</li><li>• Die kort video, wat 'n addisionele / opsionele hulpmiddel is</li><li>• Kategismus in Vrae en Antwoorde (veral vir Konfirmasie)</li></ul> <p><b>Nota:</b></p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



# Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. <b>Voorbeeld:</b> Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



## Die Les

<b>Lestitel</b>	Sade en plante
<b>Bybelwoord</b>	Genesis 1: 11-13, 20-25
<b>Lesdoelwit</b>	Die kinders leer om respek teenoor God, die skepper van alle lewe, te hê. Hulle verstaan dat God lewensruimte en voedsel vir elke lewende wese voorberei het. Hy het ook gesorg dat hulle beskerm word en vermeerder.

## Lesopsomming:

- Onthou jy dat ons met ons laaste les geleer het dat ons God se skepping kan gebruik om ons eie tuin te maak?
- Wel, vandag gaan ons praat oor plante, waar hulle vandaan kom en waarvoor dit gebruik word.
- Die meeste plante word van 'n saadjie gekweek.
- Daar is baie verskillende plante, en elke plant het sy eie unieke saad.
- Sommige sade is baie klein, maar dit kan tot groot bome groei.
- As jy 'n pragtige tuin wil hê, het jy sade nodig om te plant.
- Elke plant het sekere toestande nodig om in te groei, soos klimaat en 'n sekere soort grond.
- Voordat jy jou sade plant, moet jy seker maak dat die grond goed voorberei is en dat jy weet hoe ver uitmekaar en hoe diep jou sade geplant moet word.
- Jou sade sal baie water nodig hê om tot sterk plante te groei.
- Jy sal baie geduldig moet wees terwyl jy wag dat jou sade ontkiem (groeï).
- Na 'n paar dae sal jy sien dat daar groen lote(stingels) bo die grond verskyn.
- As jy mooi na jou tuin kyk, sal u allerhande insekte soos ruspes(wurms) opmerk. Ruspes eet graag die blare van jou plante.
- Jy moet hulle nie doodmaak nie, want hulle kan nie help dat hulle die blare van jou plante gevreet het nie.
- Die Here het hulle so gemaak dat hulle net van die plante se blare kan leef.
- As jy geduldig is, sal jy binnekort 'n tuin hê met pragtige blomme en vrolike insekte wat alles deur God geskep is.



## Wat beteken hierdie les vandag vir ons?

- God het die raaisel van die lewe in 'n saad gegee sodat 'n nuwe plant uit die saad sal ontwikkel.
- Met saad het God gesorg dat verskillende plantsoorte bewaar sal word.
- Mense saai en versorg plante, maar God se seën laat hulle floreer.
- Sade soos koring, bone en mielies dien as voedsel vir diere en mense.
- Baie plante is spesiaal geskep as voedsel vir diere en mense.
- Selfs die kleinste, geringste insek is deur God vir 'n spesifieke doel geskep.
- Ons moet God se skepping respekteer deur na die plante in ons tuin om te sien en ook nie die insekte dood te maak nie.
- As ons as mense na die plante omsien, sal ons altyd kos hê om te eet.

## Sommige vrae wat ons kan vra:

### 1. Kan u 'n paar diere noem wat plante vreet?

*Antwoord: verskillende - lei u kind*

### 2. Wat het saad nodig om te groei?

*Antwoord: goeie grond, water, sonlig*

### 3. Waarom het ons plante nodig?

*Antwoord: kos, skaduwee, blomme in die kerk - luister na die antwoorde van jou kind*

## 'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen